

LAMPO

Marchè u Scarafónë, nu juornë jèttë a caccia sottë Tuorè, vicinè a u sciumë Tappinè, là è na bóna zòna dë béccaccè.

Gèrannë pë lë macchièttë chë štannë vicinè a u Pontë 'e Tuorè, vérë ca u canë zë ficchië rént'a nu cannitë. Mò, datësë ca zë truàvë scòmmërë, pë z'avvicènà a u cannitë, zómpa nu lëmëtónë e zë rëtróvë sprufunnatë là, rént'a na lama.

Próva a 'scì da chélla jòzza e succérë ca chiù zë smuvéva e chiù sprufunnavë e nèn ténévë manchë la forza dë caccia nu piérë da lë štëvalë, chë évënë rëmaštë 'ncullatë rént'a la jòzza.

Ncumènzë, allora, a téné paura e zë méttë a chiamà u canë. La bèstia sèntija, ma 'nzë smuvèa pëcché štèa puntannë la béccaccia.

Marchè, 'mpauritë, chiamava ancora chiù fortë, pëcché z'éva sprufunnatë quascë fin'a la cinta d'u cauzonë, quannë u canë zë në èscë da u cannitë kë la béccaccia 'mmocchè e va dërittë addò u patrónë.

Mò Marchè 'nzë në frècavë dë la béccaccia e dicéa a u canë: Lampë aiutëmë..aiutëmë..

U povèrë canë capèttë la situazionë e u vuléa aiutà, ma l'anëmaluccë 'nsapèa cummë fa e 'ncumènzë pur'issë a 'ualijà.

Štènnë na fréca 'e tiémpë a cummattë, ca Marchè lë vulèa fa capì dë raccoglië na céppa sécca ca štèa l'avvicinè. Ma nièntë. Sé non chë u canë a nu ciértë mumèntë sèntë nu passë dë unë chë štèa passannë pë la vianóva, a na cèntënarë 'e mètrë da u cannitë. Quannë u canë piglië e corrë vèrzë la štrara. Z'avvicinè a 'št'omë e abbaia kë insištènza. Ma u povèrë ómë zë pënzava ca u vulèa muccëcà e cèrcava d'u scaccià. Ma u canë insistévë e ualijavë cummé quantë unë chiagnë.

Allóra 'št'omë capèttë, piglia e fa cénne a u canë e i' 'nnantë.

U canë, cuntièntë ca éva štatë capitë, piglia e u portë juštë addò štèa u patrónë.

Quišt'omë quannë vérë a Marchè tuttë rëchinë 'e jòzza, dicë: E cummë scié fattë a funì 'llochë 'ddéntre? cèrtë ca scié cacciatorë buonë, mò 'llóchë t'avéssa rëmané!, dicettë ironicamèntë.

Po' pigliattë nu ramë gruossë e lë dicèttë: 'ppiccètë a 'ssu ramë!

E accusì u cacciattë fórrë, ma kë nu štëvalë sulë, pëcché quill'autë éva rëmaštë rénta a la jòzza.

Marchè zë n'avètta rëturnà fin'a la machëna scauzë e da quillë juornë tuttë sapèanë d'u mèraculë chë avèa fattë Lampo e dë la fessaggëna d'u patrónë.

Tuttë hannë lë mèraglië d'óre o d'argièntë quannë l'uommënë fannë cacché bravura, ma Lampo nn'avutë nièntë, sulë tanta "passallà!" fin'a la vicchiaia.

Ma cě štarà all'atě munně u paradisě dë lë caně?

2004